

本草
三卷

漢記
榮禧

香木
寓木
竹類
菓類

穀類
菜類

漢
記

本草
便讀
卷三

香木類目錄

肉桂

桂枝

松節

松香

柏子仁

側柏葉

辛夷

丁香

沈香

檀香

降香

蘇合香

乳香

沒藥

血竭

冰片

烏藥

樟腦

蘆薈

阿魏

安息香

本草便讀卷之二

武進張秉成兆嘉集選

門人唐君培
男之寶研農
全校

香木

肉桂 辛甘大熱。補命門助火消陰。紫赤多香。益肝腎通經。

行血腹痛。疝瘕等疾。可導可溫。風寒痺溼諸邪。能宣能散。肉桂

產南方粵西安南等處種類甚多大抵以色紫肉厚味甜有油者佳然甜中帶辛自有一股香竄溫煖之氣入心肝脾腎四經血分溫散血分寒邪破血結除癥瘕同補腎藥用能補命門元陽不足如格陽戴陽等證又能引火歸原如欲補心陽益脾陽均可各隨佐使桂水炒白芍大能平肝肉桂皮也觀其性味察其主治無論內寒外寒在於營分者皆可治之

桂枝。體用可通肢。由衛入營宣腠理。辛甘能入血。溫經達

絡散風寒。

桂枝即桂樹之枝故性味與肉桂相同而主治略異藥之爲枝者達四肢故能走四肢通經絡解散

營分風寒由汗而出表較肉桂輕清氣味爲薄耳

松節。治肢節有功。燥溼宣風痺可去。味苦溫無毒。骨強筋

利病能除。惟松香具止痛之能。甘溫略異。除消腫與和營之

外。功用相同。

松節松乃木之長故字從公其質堅其性燥味苦而溫節乃松之骨也故能治骨節間風溼凡

一切痺痛腳氣等證皆可治之浸酒良因其能利筋骨故入肝腎可知松香即松之脂也苦而帶甘其性本燥其質變潤故能活血止痛治風殺蟲古人煉服之法頗多皆謂有輕身延年辟穀之功而今人但知外治耳

柏子仁 補心脾而暢中快膈。味貴甘辛。定驚悸以益智安神。

性平香潤。柏子仁味甘辛平。芳香而潤入心脾氣分。以其入

能快膈調中。美顏色澤肌膚。蓋柏稟堅貞之氣。而子乃柏之精英也。

側柏葉 涼血消瘀。能入肺通肝。芳香且燥。宣風勝溼。可除崩

止痢。甘苦而寒。治臟毒之難痊。醫腸風而易愈。側柏葉萬木

獨西指蓋稟西方之氣。而有貞德者也。入藥惟取葉扁而側生者。良甘苦而寒。芳香而燥。入肝肺大腸血分。涼血燥溼。是其本功。故凡一切吐血衄血。血痢血崩。腸風臟毒等證。血中有溼熱瘀結者。皆可用之。金能制木。治風辟邪。又其餘事耳。

辛夷 稟春陽之氣。味薄而辛。具香竄之能。氣溫且散。開竅

搜邪於肺部鼻塞堪通升清助胃於上焦頭風亦愈

辛夷一名木筆

花一云卽玉蘭花蕊也此物初生如筆重重有毛當去淨用否則毛射肺中令人欬嗽稟春初生發之氣輕浮上升辛溫香散入肺胃二經肺氣通于鼻胃脈行于面故主頭風鼻塞開竅解肌純乎解散上部風寒之物虛而無邪者不可用之

丁香 宣中煖胃故味辛以且溫達腎壯陽因氣香而帶苦

並能療嘔吐呃逆兼可醫疰癖奔豚

丁香有公丁香母丁香兩種公丁香是花母丁香是實公

小而母大一云樹有兩種性味皆同母者卽雞舌香古方多用之今人所常用者皆公丁香耳辛溫芳香色紫而潤上溫脾胃宣中辟惡治嘔吐呃逆等證下及腎肝導氣祛寒凡下焦一切奔豚疰癖瘦疝諸疾如腎陽不足而有寒氣者均可用也

沈香 暢達和中。脾胃喜芳香之味。辛溫入腎。下焦建補火。

之勲。腎虛氣逆痰升。賴其降納。脾困寒凝溼滯。用以宣行。沈香

出南越等處。以色黑質堅。沈水者佳。辛溫香烈。入肺脾腎三臟。上至天而下至泉。三經氣分藥也。主脾肺氣逆。中惡腹痛。以及一切寒滯胸膈。而為嘔吐等證。宣導氣分。則痰行水消。其沈降之性。故能壯腎陽。助命火。凡下焦虛寒。以致氣不歸元。上逆而為喘急者。皆宜用耳。

檀香 氣香無毒。辛溫入肺胃之經。質燥有功。宣發理上中。

之氣。或除邪而辟惡。或暢膈以寬胸。檀香出南番諸國中。土所出之檀樹。雖相類。但

不香耳。味辛而溫。氣香。色白。入肺胃。上焦氣分。專理上焦一切滯氣。逆氣。至其和中進食。辟鬼除邪等治。皆辛溫芳香之。

本草更賣 卷二 丁香 沈香 檀香 三 香木

耳力

降香 性味與檀木相同。形色較前香為異。入肝破血。堪除

瘀滯之稽留。辟惡搜邪。可解時行之疫癘。降香性味出產與檀香相同但色紫

為異能入心肝血分行瘀滯療折傷外敷內服均有專效至于辟邪解疫與檀香一理耳

蘇合香 合諸香膏汁煎成。宣竅辟邪氣滯解。能主治心脾各

病。中風痰閉病危安。味苦而甘。性溫無毒。蘇合香此香亦出諸番一云樹脂一

云合諸香之汁煎成未知孰是味甘而略帶辛苦其香烈較諸香為甚性溫無毒入心脾二經開竅搜邪凡一切中風中痰中氣屬邪陷內閉者皆可用此開之若類中屬虛而脫者不可用也

乳香

和營定痛活絡舒筋香竄入心辛溫兼苦

乳香出諸番波斯等

國樹脂也辛苦性溫其香潤之質能入心脾營分

沒藥

活血與乳香相仿性利能宣行瘀則沒藥為長味平

而苦

沒藥亦樹脂也味苦平其治雖與乳香相仿而行瘀散血則沒藥獨擅其長故能治金瘡杖瘡癰疽腫等證

所以能止痛者血瘀則痛氣壅亦痛也外科藥用之其理概可想見

血竭

色赤入營功可行瘀止痛性收斂口力能和血生肌

性平潤而甘鹹入心肝之血分

血竭亦樹脂也色純赤味甘鹹性平無毒入心肝血分行

瘀活血是其所長至若止痛生肌者以血活則痛止瘀去則新生也故外科藥每用之但性急卻能引膿

本草綱目

卷二 降香 蘇合香 乳香 沒藥 血竭

四

香木

冰片。其體溫而用涼。其味辛而帶苦。香能達竅。內能透骨。

搜風散可疏邪。外可通經宣毒。冰片出波斯等國樹脂也。一云深山窮谷中千年老杉未

經傷損者則有之。辛溫香烈。宣竅散氣。凡一切風痰諸中內閉等證。暫用以開閉。搜邪然辛香走竅之極。服之令人暴亡。惟外證點眼吹喉等藥用之。或藉其辛散。或賴其香開耳。

烏藥。上入肺脾。下通腎臟。性偏香竅。能疏氣閉之邪。味屬

辛溫。可治血瘀之婦。冷氣腹痛宿疾去。疝瘕便數舊邪除。烏藥

出嶺南等處。一云出天台者為佳。樹根也。辛溫香竅。上行肺胃。下達腎與膀胱。通理上下一切諸氣。氣理則寒散瘀行。腹痛止。瘕疝愈耳。至其治小便秘。數一證亦止。謂寒證之一端耳。

樟腦 芳香燥溼。資外治之需。辛熱殺蟲。為搽瘡之藥。樟腦出韶

州用樟木煎成辛熱氣香能於水中發火通關竅散寒溼殺蟲辟惡卻有耑長然究非內服之品止可外治疥癬腳氣或洗或薰或摻用其殺蟲收溼耳

蘆薈 除邪退熱。能潤下。性味苦寒。明目涼肝。可殺蟲消除

疳積。蘆薈出波斯等國狀如黑飴樹脂也苦寒潤下之品除熱殺蟲之外別無所長更衣丸用之取其潤也明目治疳者取其寒也考其氣質性味能入脾胃大腸肝腎諸經故主治亦不離此諸經耳

阿魏 化積有功於脾胃。殺蟲獨稟夫辛溫臭烈難聞。外消

多效。阿魏出西番諸國一云是樹脂一云是草根煎成未知孰是辛溫氣臭入脾胃消積殺蟲雖極臭而又能辟臭

本草更賣 卷二 冰片 烏藥 樟腦 蘆薈 阿魏 安息香 五 香木

凡口氣腋氣等證皆可用之。然人之血氣聞香則順聞臭則逆。即使內外各方有效而良藥甚多亦不必喜功生事也。

安息香。芳香開竅。有溫宣氣血之功。辛苦辟邪。擅暢達心脾

之力。或安神而息魅。或煎服而焚香。

安息香出安南波斯等國亦樹脂也其質如桃

膠柔勒不斷焚之能安息諸邪故名辛苦微溫芳香無毒入心脾二經開竅辟惡其芳香溫散之性能使氣血宣行週身通泰則鬼疰蠱毒卒中暴厥心腹諸痛等證皆可愈耳

寓木類目錄

七

茯

苓

茯神赤苓
茯苓皮

琥

珀

桑寄生

豬

苓

寓木

茯苓 色本屬金。功先入肺。導膀胱而利水。無非氣化之神。

清治節以行痰。專主分消之職。假松根之餘氣。甘淡平和。得

坤土之精英。堅貞博厚。憂患驚悸。皆緣痰結爲殃。嘔吐怔忡。

盡是飲邪作咎。均可審證而施治。自能對病以求方。抱根者

爲茯神。守臟寧心。安神獨掌。色紅者爲赤茯。入營導赤。利水

偏長。皮以行皮。性仍同性。茯苓生大谷中多年大松樹經樵斫之後松根精靈之氣抑鬱不絕

結成此物。其精氣足者離根較遠。亦有附根而生者。卽爲茯

神。其色有赤有白。白者爲佳。味甘淡。性平和。上入肺脾。下達

小腸膀胱腎經益元氣通神明能清肺脾虛熱下行其淡滲燥利之性故能化胸中痰飲導下部溼邪至于扶神赤茯苓等其主治氣味皆同不過安神利水之功略有小異耳

琥珀 本靈氣以生成通心竅安神定魄性淡平而鍾結降

肺金導水分消色赤入營兼可行瘀燥溼味甘化毒並能摩

醫生肌 琥珀乃松脂入土年久而成其質堅其色赤平和甘淡入心肺小腸膀胱四經血分消瘀利竅清肺滲溼

鎮心定魄是其所長畢竟淡滲下行之品凡小腸膀胱血分溼熱致成淋濁癰閉等證皆可用之至于生肌摩醫藥中用之者亦取其和營化溼耳以其入土最久百毒遇土則化故能解毒耳

桑寄生 壯骨強筋補肝腎虛羸苦甘平潤和營通絡治痺風